

禮書第三

陽曲縣志卷八

州縣志學統於廟因其制耳茲則文廟詳建置圖而以學校編於禮書蓋學校乃博士與弟子員教育藏修之所不當與釋奠之廟堂竝也一切典禮職自師儒而承辦必由禮科謹備登以存掌故若夫壇壝祠廟之載在祀典者亦皆禮科所掌依功令編其次第率而行之無有廢事矣其他祠宇爲士民向所尸祝而不忘者一例附載俾禮家有所稽焉

禮房典吏一人掌奉頒

詔諭條教之文

陽曲縣志

卷八 禮書

一

卧碑

順治九年頒

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

- 一 生員之家父母賢智者子當受教父母愚魯或有非爲者子既讀書明理當再三懇告使父母不陷於危亡
- 一 生員立志當學爲忠臣清官書史所載忠靖事蹟務須互相講究利國愛民之事更宜留心
- 一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省
- 一 生員不可干求官長交結勢要希圖進身若果心善德全上天知之必加以福
- 一 生員當愛身忍性凡有司官衙門不可輕入卽有切已之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

欽頒訓飭士子文

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明人才蔚起庶幾樸棫作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生共敬聽之從來學者先立品行次及文學學術事功源委

陽曲縣志

卷八

禮書

二

有叙爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寧無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若乃視爲具文玩

勿傲毀方躍治暴棄自甘是爾等冥頑無知終不能率教也既負栽培復干咎戾王章具在朕亦不能為爾等寬矣自茲以往內外直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭勿謂朕言之不預也爾多士尚敬聽之哉

雍正四年奉

上諭

為士者乃四民之首一方之望凡屬編氓皆尊之奉之以為讀聖賢之書列膠庠之選其所言所行俱可以為鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事即懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書立品之人而蕩檢踰閑不顧名節者亦復不少或出入官署包攬詞訟或武斷鄉曲欺壓平民或抗違錢糧藐視國法或代民納課私潤身家種種卑污下賤之事難以悉數彼

陽曲縣志

卷八 禮書

三

為民者見士子誦讀聖賢之書而行止尚且如此則必薄待讀書之人而並且輕視聖賢之書矣士習不端民風何由而正其間關係極為重大朕自即位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習而內外諸臣條奏中臚列諸生之劣蹟請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子為朋儔視考課為故套而學臣又以衡文為事任教官之因循怠惰苟且塞責漫不加察所以倡率之本不立無怪乎士習之不端風俗之未淳也朕孜孜圖治欲四海之大萬民之眾皆嚮風慕義革薄從忠故特簡督學之臣慎重教官之職欲使自上而下端本澄源以收實效也凡為學臣者務須持正秉公宣揚風化於教官之稱職者即加薦拔溺職者即行叅革為教官者訓誨士子悉秉誠心如父兄之督課子弟至於分別優劣必至公至當不涉偏私如其各盡其道則士子人人崇尚品詣砥礪廉隅不但自淑其身而羣黎百姓日聞善言日觀善行必共生感發之念

風俗之丕變庶
幾其可望也

乾隆十年

欽頒訓飭士子文

士爲四民之首而太學者教化所先四方於是觀型焉比
者聚生徒而教育之董以師儒舉古人之成法規條亦既
詳備矣獨是科名聲利之習深入人心積重難返士子所
爲汲汲皇皇者惟是之求而未嘗有志於聖賢之道不知
國家以經義取士使多士由聖賢之言體聖賢之心正欲
使之爲聖賢之徒而豈沾沾焉文義之未哉朱子同安縣
諭學者云學以爲己今之世父所以詔其子兄所以勉其
弟師所以教其弟子弟子之所以學舍科舉之業則無爲
也使古人之學止於如此則凡可以得志於科舉斯已爾
所以孜孜焉愛日不倦以至於死而後已者果何爲而然
哉今之士惟不知此以爲苟足以應有司之求矣則無事
於汲汲焉也是以志於情遊而不知反終身不能有志於

陽曲縣志

卷八

禮書

四

學而君子以爲非士之罪也使教素明於上而學素講於
下則士固將有以用其力而豈有不勉之患哉諸君苟能
致思於科舉之外而知古人之所以爲學則將有欲罷不
能者矣觀朱子此言洵古今通患夫爲己二字乃入聖之
門知爲己則所讀之書一一有益於身心而日用事物之
間存養省察闇然自修世俗之紛華靡麗無足動念何患
詞章聲譽之能奪志哉况卽爲科舉亦無礙於聖賢之學
朱子云非是科舉累人人累科舉若高見遠識之士讀聖
賢之書據吾所見爲文以應之得失置之度外雖日日應
舉亦不累也居今之世雖孔子復生不免應舉然豈能累
孔子也朱子此言卽是科舉中爲己之學誠能爲己則四
書五經皆聖賢之精蘊體而行之爲聖賢而有餘不能爲
己則雖舉經義治事而督課之亦糟粕陳言無裨實用浮
僞與時文等耳故學者莫先於辨志志於爲己者聖賢之
徒也志於科名者世俗之陋也國家養育人材將用以致
君澤民治國平天下而囿於積習不能奮然求至於聖賢
豈不謬哉朕膺君師之任有厚望於諸生適讀朱子書見
其言切中士習流弊故親切爲諸生言之俾司教者知所

以教而學者知所以學
雍正元年議准學宮之內廣置齋舍務立課程教官面加
考試至於新進生員尤為進身之初豈可使身無檢束聽
其遊蕩應照國子監坐監之例令其在學肄業俟下案新
生至學為滿或有親老家貧勢不能在學肄業者亦必分
題考校每月定期使無曠業
雍正六年議准士子欲其留心經濟為國家有用之才應
飭教官季考月課時於書文一篇外或試以策或試以論
務期切近時務通達政治嚴立課程分別優劣以示勸懲
雍正七年議准律例內刑名錢穀乃莅政臨民之要務士
子宜預先學習以為他日敷政之本應飭教官每當月課
季考之次日將

大清律例與之講解使之熟習淹貫預識政治之要

乾隆九年議准教官訓士綱目必分年詳解面加諄勸務
期實力
講貫

敬一箴

明世宗御製頒賜天下學宮者
也今石刻無存附錄其文於左

陽曲縣志

卷八 禮書

五

夫敬者存其心而不忽之謂也元后敬則不失天下諸侯
敬則不失其國卿大夫敬則不失其家士庶人敬則不失
其身禹日后克艱厥后臣克艱厥臣五子之歌有云予臨
兆民如朽索之馭六馬為人上者奈何不敬其推廣敬之
一言可謂明矣一者純乎理而無雜之謂也伊尹曰德惟
一動罔不吉德二三動罔不凶其推廣之一言可謂明
矣蓋位為元后受天付託承天命作萬方之君一言一
動一政一令實理亂安危之所繫若此心忽而不敬則此
德豈能純而不雜哉故必兢兢畏慎於郊裡之時儼神明
之鑒享發政臨民端莊戒謹惟恐拂於人情至於獨處之
時思我之咎何如改之不吝思我之德何如勉而不懈凡
諸事至物來究夫至理惟敬是持惟一是協所以盡為天
子之職庶不忝厥祖厥親由是九族親之黎民懷之庶仁
澤覃及於四海矣朕以冲人纘承丕緒自諒德惟寡昧勉
而行之欲盡持敬之功以馴致乎一德其先務又在虛心
寡慾驅除邪逸信任耆德為之匡輔敷求善人布列庶位
斯可行純王之道以坐致太平雍熙之至治
也朕因讀書而有得焉乃述此以自勗云

人有此心	萬里咸具	體而行之	惟德是據
敬焉一焉	所當先務	匪一弗純	匪敬弗聚
元后奉天	長此萬夫	發政施仁	期保鴻圖
敬怠純駁	應驗頓殊	徵諸天人	如鼓答桴
朕荷天眷	為民之主	德或不類	以為大懼
惟敬惟一	執之甚固	畏天勤民	不違寧處
曰敬惟何	怠荒必除	郊則恭誠	廟嚴孝趨
肅於明廷	慎於閒居	省躬察咎	警戒無虞
曰一惟何	純乎天理	弗參以三	弗貳以二
行顧其言	終如其始	靜虛無欲	日新不已
聖賢法言	備見諸經	我其究之	擇善必精
左右輔弼	貴於忠貞	我其任之	鑒別必明
斯之謂一	斯之謂敬	君德既修	萬邦則正
天親民懷	永延厥慶	光前垂後	綿衍蕃盛
咨爾諸侯	卿與大夫	以至士庶	一遵斯謨
主敬協一	罔敢或渝	以保祿位	以完其軀
古有盤銘	目接心警	湯敬日躋	一德受命
朕為斯箴	拳拳希聖	庶幾湯孫	底於嘉靖

陽曲縣志

卷八 禮書

六

掌學政科歲之試事儒學廩膳生員二十名 增廣生員二

十名附學生員無常數 每屆歲考以文行兼優之士舉

優生其得售者為優貢

每歲試錄文童二十名武童二十名入學充附 府學另撥 在正額外

每科試錄文童二十名 府學另撥 歲為一考 康熙十二年復歲科兩

考仍進文童二 次武童一次

二年一歲貢 以食餼年深者申送學政考取凡縣學歲貢 以甲丙戊庚壬年分七月下旬各省學政彙

冊咨部如七月以前遇有事故以陪貢充補再遇事故以 咨充貢歲貢恭逢

覃恩作為恩貢以陪貢作歲貢留 支項下花紅銀兩給與歲貢

十二年一拔貢

雍正五年定六年一選拔乾隆七年仍改爲十二年一選拔

佾生四十名

乾隆五年奏准各省府州縣學樂舞生每學遵訓舞用六佾卽照樂舞之數額設三十六

名外加四名以備疾病事故更替之用此外不許浮充每遇學臣按臨免其府縣兩試由教官冊送府縣叙入考案

之後申送院考憑文錄取

書籍

陽曲學宮尊經無閣其書俱藏教諭官署戴志所載書籍散佚無考今錄其現貯學署者

上諭

共二百一十六本

廿一史

五十套共五百本

聖諭廣訓

十六條

十三經

十二套共一百二十本

訓飭士子文

一本

康熙字典

共四十本

欽定四書文

朱子全書

十二本

陽曲縣志

卷八

禮書

七

日講四書解義

十六本

周易折衷

二十部六十本

詩經

三部七十二本

春秋

三部七十二本

書經

三部七十二本

性理

三部十五本

急公自愛

一本

三朝寶訓

一本

駁呂留良四書講義

一部八本

學政全書

一本

明史

一百一十二本

春秋祭祀式

一本

禮部則例

二十四本

國子監則例

十本

佩文詩韻

二本

藏刻

戴志藏版三十餘種除賢儒功德版外俱存然其中有上臺振興風化刊刻頒發者有邑人

著述足徵文憲者其版雖失其書不可泯沒
無聞仍錄其名於左俾後之人知所考焉

河汾教明學道文

正祀考明學道

復古指南明陽曲縣周

三立祠傳明學道袁繼成

陽明要書明學道桂

四書約說明學道孫

鄉約全書知縣戴

陽曲縣志知縣戴夢熊

山西通志版藏府學知縣戴

太原府志版藏

賢儒功德版六十頁

周文端公文集明尚書

慕隨堂集明參議

桂子園集明布政

撫虔拙念明侍郎

陽曲縣志

卷八

八

明儒要言

政學訓言錄

性理守約

益言錄以上明知縣

陰鷺錄

慎言節訓以上明布政

澹明野嘯

息齋藏書以上明通參

吳越兩山集

晉風選以上明知縣

霜紅龕集傅山著

山右詩存鳳臺李錫

寶賢堂石刻在晉陽書院

小寶賢堂石刻在太原

清書堂石刻邑人王元雅

卧龍廟碑刻明晉王書

呂忠簡家訓石刻在城隍廟

喬廬帖石刻傅山書

附

白衣閣洞碑

俗名也字碑在東關萬壽庵

天澤和尚碑

在紅土溝十方院

松莊祈雨碑

在松莊慈雲寺

九間橋記

在九間橋廟內

茶毘羊記

隸書在紅土溝十方院

雙塔寺詩石

在郝莊

五龍祠二畝場圃記

在上蘭村以上七石刻俱傳山書誤

掌學田之坐落

原設七頃一十六畝共租穀三十五石八斗係學官徵收

按晉省學田一項於乾隆四十年奉准

部咨除歲給

廩生貧士之用外其存剩銀兩糧石每年於奏銷後一

併解司報撥充餉在案陽曲學田七頃有零舊志已云

無可稽考而現在尚存零星每年分給廩生各數百文

陽曲縣志

卷八

禮書

九

尚不至全無着落惟事隔百餘年清查似覺費力然不

能無望于留心教育者

戴志明萬歷三十四年學田縣卷附學田地五頃九十一畝八分每年每畝輸租穀五升共租穀二十九石五斗

九升上倉以資會課作養之用取實收併認狀一樣三張繳西村黃國才呼延村何鳴堂等分租學田四至開明刻

立石記以垂永久黃國才等原認租種學田二頃五十畝五分四至東至翟村地界南至河渠西至稍墟北至本村

地界其地內除與呼延村賈朝倫五十畝何鳴堂等分認租種學田三頃四十一畝四至東至翟村地界南至王詔

地界西至稍墟北至河渠

掌鄉飲鄉射之禮

國家養老尊賢禮莫著於鄉飲陽曲附郭統於郡守故此

不另舉行然事關 大典府州縣皆得行之不可以統于郡守而勿志也恭查順治元年定京府及直省府州縣每歲於正月十五日十月初一日舉行鄉飲酒禮司正以教職爲之主揚觶以罰失儀者贊禮讀法以生員爲之以申明

朝廷之法敦序長幼之節

乾隆十八年行令順天府及直省府州縣先期訪紳士之年高德邵者一人爲賓次爲介又次爲衆賓皆由州縣詳報府尹督撫覈定舉行其本地有仕至顯官偶居鄉里願

陽曲縣志

卷八

禮書

十

來觀禮者依古禮坐於東北

儀注

鄉飲酒禮儀注京府及直省府州縣歲以孟春望日孟冬朔日舉行於儒學前一日執事者於儒學之講堂依圖陳設坐次司正率執事諸生習儀至日黎明執事者宰牲具饌主人及僚屬司正先詣學遣人速賓僕以下賓至主人率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐僕至主人又率僚屬出迎揖讓升堂拜坐如前儀賓僕介至既就位執事者贊

司正揚觶引司正由西階升詣堂中北向立執事者贊賓
僕以下皆立贊揖司正揖賓僕以下皆揖執事者以酒授
司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各
相勸勉爲臣盡忠爲子盡孝長幼有序兄友弟恭內睦宗
族外和鄉里無或廢墜以忝所生讀畢執事者贊司正飲
酒飲畢以觶授執事執事者贊揖司正揖賓僕以下皆揖
司正復位賓僕以下皆坐贊讀律令執事者舉律令案於
堂之中引讀律令者詣案前北面立贊賓僕以下皆立行

揖禮如前讀畢復位執事者贊供饌案執事者舉饌案至
賓前次僕介次主三賓以下各以次舉訖執事者贊獻賓
主起席北面立執事者酌酒以授主主受爵詣賓前置於
席稍退贊兩拜賓答拜訖執事者又酌酒以授主主受爵
詣僕前置於席交拜如前儀畢主退復位執事者贊賓酬
酒賓起僕從執事者酌酒授賓賓受爵詣主前置於席稍
退贊兩拜賓僕主交拜訖各就位坐執事者分左右立以
次酌酒獻三賓衆賓徧賓主以下酒三行供羹執事者以
次酌酒飲酒供饌三品畢執事者贊徹饌候 案訖贊

賓僕以下皆行禮僕主僚屬居東賓介三賓衆賓居西贊兩拜訖贊送賓以次下堂分東西行仍三揖出庠門而退乾隆二十五年議准直省舉報鄉飲不得其人卽詳明停止不得拘於成例苟且塞責乾隆二十七年議准嗣後凡鄉飲賓內除貢監生已經考職候選者准其照應選之職服用頂帽補掛外其餘監生用金雀頂青袍藍邊生員銀雀頂藍袍青邊至於耆民並無品級應用鮮明常服不得濫用金頂補服

鄉射戴志于鄉飲後又志鄉射蓋本戴記於乞言養老之餘以敦崇禮讓耳此禮更曠廢不行久矣因有關風化不敢以久廢而逸之

舊志鄉射之禮每逢射日先期戒射定耦選職事司正一

人副司正一人司射二人司射器一人請射一人舉爵一人收矢一人執旗一人樹鵠一人陳設訖至日執事者入就位請射者引主射正官及各官員子弟士民俊秀者各就品位司射器者以弓矢置於各位及司射前請射者詣正官前揖畢引屬官以下詣司射器前受弓矢訖復位司正執算入立於中後請射者詣司射前曰請誘射引司射二人耦進各以三矢搢於腰帶之右以一矢挾於兩指間推年長者爲上射年幼者爲下射上射先詣射位向鵠正立發矢每中一矢司正書中投算置於中舉旗者如所

應之射畢退立於傍讓下射者詣射位如前射訖請射者引司射二人俱復位收矢者收矢復於射者司正取所置算畢請射者次請士民俊秀射次請官員子弟射次請品卑至品高者射其就射位發矢書中投算舉旗復位收矢取算一一皆如前儀既畢司正副司正各持算白中於主射正官舉爵者酌酒以授中者飲之中的者三爵中采者二爵飲訖請射者請屬官以下奉弓矢納於司射器者還詣主射正官前相揖而退

射圃一區

在學署西水池傍

陽曲縣志

卷八

禮書

十三

觀德亭

舊在射圃內今廢

掌三年賓興之禮

周官大司徒以鄉三物教萬民而賓興之此賓興之所由昉也禮於秋闈前一月內諏吉延科試所錄生員於明倫堂或府州縣署公堂設讌演劇學官率諸生雁行入旅揖就坐酒數行起贈以卷價爲步月橋於大門內兩旁列優童手執桂花樂引諸生迤邐而上折桂出至大門外揖別禮畢春闈鄉貢士赴禮部試如之隆殺增減隨宜禮不可廢陽曲賓興禮舊於讌畢鼓樂前導必遠送至大城奎光

樓上仍復執爵鼓勵甚盛典也康熙間奉裁卯酉三闈此禮遂廢後知府周令樹知縣邢振岳戴夢熊以次捐俸舉行大典有光百餘年來未聞有行之者道光辛卯由高平調任陽曲李邑宰於本年秋闈又捐俸舉行一次掌義社學之條教

義學社學爲培植孤寒而設陽曲向無社學義學則創自前邑令仙華戴公恭查順治九年行令每鄉置社學一區康熙五十二年行令各州縣多立義學雍正元年行令大村鉅堡各社學擇生員學優行端者補充社師免其差役

陽曲縣志

卷八

禮書

十四

量給廩餼凡近鄉子弟年十二以上二十以內有志文學者俱令肄業學臣於案臨之日察其勤惰分別獎罰乾隆二十六年行令社義學延請教習如係舉人副榜拔貢廩貢四項文理本優聽其隨便延請生員則須教官保送印官覆核親試然後延請其別途初學之輩不許濫充是社學義學兩項實

朝廷所慎重而陽曲有義無社爲據實志之

東路義學在地藏庵內 學田一頃四十四畝

趙莊屯共地一頃五分 三給屯地三十六畝 上碾莊屯地七畝五分

中路義學在黃帝廟內 學田七十五畝 即晉府屯地

南路義學在白公祠內 學田一頃八十五畝二分

趙莊屯共地一頃五分 三給屯共地三十六畝 上碾莊共地四十八畝五分二釐

南關義學在狄梁公祠內今移設南關馬站口關帝廟內

學田一頃二十五畝一分

晉府屯地二十四畝 狄村地五十八畝 白家社地四十三畝一分

西路義學在忠烈祠內 學田一頃三十六畝五分

趙莊屯共地一頃五分 三給屯共地三十六畝

北路義學在普光寺內 學田一頃七十二畝五分

陽曲縣志

卷八 禮書

十五

三給屯地三十六畝 城壕地一頃 憲園墳地一十九畝四分 莊園墳地一十七畝一分

按以上六處義學皆康熙十六年知縣戴夢熊設舊志

載六處學田共七頃一十八畝三分五釐後因水漂時

有兌換共計學田七頃六十三畝三分所有學租俱係

學師自行經收

北關義學在北關圓通寺內 學田坐落戴莊計地一頃

五畝零九分

盤宣腦地二段共二十四畝 張家坡地十七畝 陽坡地十四畝 石片地十九畝 青楊樹坡地十六畝 犁元吉地十畝 王老溝梁地五畝九分

附知縣戴夢熊義學申詳事宜

一 設立在城義學

查陽曲為文獻名邦童試寥寥揆厥所由總因地瘠民貧逐末者多貧富相耀

遂以儒冠為誤人之具視禮義為身外之物誠恐愈趨愈下間蕩者耽於鹵賭凶暴者習為鬪很父兄之教不先聖賢之書盡廢頹風宜挽當經陸續於城關建設義學六處即擇祠堂寺院衝要潔淨者打掃修葺其桌椅筆硯着令學生自備其館穀則有學田租息地方官於政治之暇親赴義學內查其勤惰讀書者背書一二章作文者令作破承起講一二箇事完即出而季考月課之費亦可節省矣

一 勸諭四鄉設立義學

查陽邑窪溝堡塞村落窳站東西三百里南北百五十里豈能遍立

義學但其中有素封之家設塾延師冀望子弟讀書者均宜捐去形跡善與人同如一家有師長一人即令合族幼童公同受業廣而至於親戚異姓皆然此即村莊中現成之義學也本戶果能獨力承任一二戶兼任行通經儒士肯捐空閒工夫以興一方之教者亦即報明給匾獎賞俾人人勉於訓課而合縣有無窮之義學矣

陽曲縣志

卷八 禮書

一 優禮教子弟讀書之父兄

查讀書為顯親揚名之資而愚民視為畏途者正宜就學

時書卷筆墨紙張有費茶湯飯食有費長大衣出入有費至於幼小子弟風雨晦冥率賴父兄往來迎送精神心力之費不知凡幾就中學成者甚少半途而廢者甚多此父兄之所以灰心也但四野村莊真讀書之于弟少要識字之子弟多查現在應考童生寥寥無幾而充吏典充書辦赴縣取結者不一而足正以鄉民識字亦可為活命出身之地今宜因勢利導凡子弟中有讀書成名者將伊父兄雜差優免如詞訟中有小過犯並免朴責使人知讀書之為有益欣欣向榮將來成就當不止識字而已

書院附

晉陽書院建自前明後改名為河汾自張居正當國奏明

拆廢後巡撫魏見泉欲復之而避其名始建三立祠於府治西南後又移建考棚於其中議者非之

國朝順治十七年巡撫白如梅慮其地基卑濕易就傾圮移建三立祠於府治東南侯家巷而書院則另設於北門乾隆十三年巡撫準泰以北門逼處闐闐不免囂雜遂移書院於三立祠乾隆十八年巡撫胡寶瑯闢三立祠東北隙地備堂廡祀前明殉節巡撫蔡懋德而以同時殉難諸臣從祀乾隆二十九年巡撫和其衷闢講堂東之隙地建學舍四十間添建奎星閣於中央嘉慶七年書院肄業生童

陽曲縣志

卷八

禮書

十七

暨紳士捐資重修奎星閣一次其院中左右牌樓則係布政司姚祖同捐資重修各處房屋則係監院稟請上臺籌款隨時補葺

大門五間 過街牌樓二座 龍門牆一堵 講堂五楹
東院學舍十九間 西院學舍十四間 西南院監院官廳六間 東北院學舍十一間 講堂後三立閣五楹
閣左右學舍十二間 閣東北蔡公祠一院 左右學舍十間 閣東南奎星樓一座以樓爲中分列南北二院共計南北學舍三十一間 閣後爲山長官舍內廳五楹

左右廂房十間

戴志載明崇禎年間督學袁公繼咸選取全省各學士子中之可造就者讀書於三立書院館穀皆公設處舍不能客者分居城內寺觀蓋千餘人三日會文一次公親為提撕一時誦讀之聲遍省會焉丙子一榜名臣大儒節義文章表表當時者指不勝屈科目之外矯矯不羣者亦不乏人皆公所培植也諸生有疾臨榻之外矯矯不羣者亦不乏云 又載學道月有誅知府知縣季有考卷賞皆有綱銀後裁自康熙十七年知縣戴公夢熊舉行月課每月二次捐俸館穀至今不輟又康熙二十一年同知黃公良驥捐資季考品驚公平闔郡翕然鼓勵又載明巡按涂公宗濬發銀三百四十兩置南關外岷巖寺左右地三頃後因不足又發銀七十七兩置楊家峪村地五十九畝充作書院贍田今

附原學示書院諸生

明巡撫南樂魏允貞撰

陽曲縣志

卷八 禮書

十八

貞愚不知學蓋嘗聞學於夫子矣其首章曰學而時習之第未顯說所謂學且習者安在遂生後儒妄議然繼之曰弟子入則孝出則弟謹而信汎愛衆而親仁行有餘力則以學文弟子之學不可知耶即倫理而未嘗廢乎詩書六藝也弟子猶其小者也其論君子曰不重則不威學則不固又曰主忠信君子之學不可知耶即忠信而未嘗廢乎威重也君子猶其泛然者也季路非聖門高弟曾子所畏乎其問成人則曰見利思義見危授命久要不忘平生之言成人之學不可知耶即節義而未嘗廢乎然諾也季路猶其弟子也子淵非論語十哲首夫子所願為宰乎其問仁則曰克己復禮而畢其目於非禮勿視聽言動至子淵自叙亦曰博我以文約我以禮大賢之學不可知耶即約而未嘗廢乎博也子淵猶其門弟子也夫子自言亦曰我非生知好古敏求又曰多聞擇其善者而從之自見而子小聖人之學不可知耶即神聖而未嘗廢乎聞見之大聖人之學不可知耶即大聖之學而未嘗廢乎實不過可見學之道惟有知行兩端人之為學惟有利求事孝弟謹俱行也學文知也義與授命行也見利求

也博文所以求知也約禮所以求行也多聞見未嘗不博
知擇識未嘗不約學盡是矣果有難知難行者否後世儒
者乃故舍是以孝弟為常行以言動為粗迹以義利為末
節以聞見為玩物而顛意於精神命脈之務若曰六經註
我我註六經又曰致良知其為之徒者轉相衍意以心苟
無媿百行可畧一念而悟六經可廢不知墮百行無媿何
在廢六經妙悟何由顛內而遺外語知而遺行外下學而
求上達審如是是夫子刪述為多事而象山陽明為加聖
人一等蓋自謂知學而實非學矣何也聖賢所論之學明
且近夫人可能後儒所論之學晦且遠非其徒不能知也
自有學以來果欲人知且行乎抑欲人不知不行乎愚故
因書院之建而為原學以示諸生世之為儒學者其勿以
愚為罪愚蓋信夫子而思與諸生從事者也信夫子
而不敢復信其自異於夫子者也諸生其信愚言否

掌春秋壇廟之祭祀及典禮儀注

社稷壇 在北關外祀本境社稷之神每歲春秋二仲上戊

陽曲縣志

卷八 禮書

十九

日祭布政司主之祭品羊一豕一帛二黑色爵六

孝經說社土神

稷穀神勾龍柱棄則以有功配食按陽曲山川社稷壇前
明俱在晉府內國初未另設壇與風雲雷雨同祀康熙
十三年四月教授李方蓁具稟申請考正知縣邢振岳捐
俸創建於北關外其壇四出南向崇三尺廣八尺陞各三

級繚以
周垣

神祇壇

嘉慶十七
年奉文改

在南關外祀本境風雲雷雨山川城隍諸

神舊在晉府內康熙十三年改建於南關外祭日與祭品

同前布政司主之帛用七段

按漢以丙戌日祀風伯於戌
地己丑日祀雨師於丑地宋

以立春後丑日祀風師於西郊立夏後申日祀雨師於北
郊未嘗合一明洪武間於風雨外又加以雲雷山川之神
城隍神合祭列神牌三中風雲雷雨
右境內山川左本縣城隍祭畢藏之

先農壇在東門外雍正四年設每歲仲春亥日祭祭品羊一豕一帛一爵三祭畢行扶犁禮

厲壇

康熙時知縣戴夢熊重修

在北門外新堡北每歲清明日七月望日

十月朔日俱名鬼節先期迎城隍神赴壇遍祭無祀鬼神羊二豕二饅頭羹飯知府主之按會典內載以上三壇外有里社鄉厲二壇皆二仲上戊日祭里長主之今雖廢而不行為志之以存其制

三壇祭文

乾隆八年頒行

雩祭

陽曲縣志

卷八

禮書

二十

社稷 先農 山川之神曰恭膺 詔命撫育羣黎仰體

彤廷保赤之誠勤農勸稼俯推蔀屋資生之本力穡服田令甲爰頒肅舉祈年之典惟寅將事用申守土之忱黍稷維馨尚冀明昭之受賜來牟率育庶俾豐裕於蓋藏尚饗

每歲四月祭在社稷壇設

神位三儀與先農同

致祭

風雲雷雨 山川 城隍之神曰維 神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗

之殷盈仰 神明之庇護恭修歲祀正值良辰敬潔豆籩
祇陳牲幣尙饗

致祭

社稷之神曰惟 神奠安九土粒食萬邦分五色以表封圻
育三農而蕃稼穡恭承守土肅展明禋時屆仲春敬修祀

秋

典庶九丸松柏鞏磐石於無疆翼翼黍苗佐神倉於不匱
尙饗

致祭

先農之神曰惟 神肇興稼穡粒我蒸民頌思文之德克配

陽曲縣志

卷八

禮書

二十一

彼天念率育之功常陳時夏茲當東作咸服西疇洪惟
九五之尊歲舉 三推之典恭膺守土敢忘勞民謹奉爨
尊聿修祀事惟願五風十雨嘉祥恒沐於 神庥庶幾九
種雙歧上瑞頻書於大有尙饗

祭厲壇文

維某年月日某等遵承禮部劄付爲祭祀本縣闔境無祀
鬼神衆事該欽奉

皇帝聖旨普天之下后土之上無不有人無不有鬼神人鬼之
道幽明雖殊其理則一故天下之大兆民之衆必立君以

主之君總其大又設官分職於府州縣以各長之各府州縣又於每一百戶內設一里長以領袖之上下之職綱紀不紊此治人之法如此

天子祭

天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔爲生民未知何故而歿其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑

陽曲縣志

卷八

禮書

二十一

禍而負屈死者有天災流行而疫死者有爲猛虎毒蟲所害者有爲饑餓凍死者有因戰鬪而殞身者有因危急而自縊者有因牆垣傾頽而壓死者有死後無子孫者此等鬼神或終於前代或歿於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魂未散結爲陰靈或依草附木或作爲妖怪悲號於星月之下呻吟於風雨之時凡遇人間令節心思陽世魂杳杳以無歸身墮沉淪意懸懸而望祭興言及此憐其慘悽故

勅天下有司依時享祭在京師有泰厲之祭在王國有國厲之祭在各府州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉如此今某等不敢有違謹設壇於城北以三月清明七月十五日十月初一日置備牲醴羹飯專祭本縣闔境內無祀鬼神等衆靈其不昧來享此祭凡我一縣境內人民倘有忤逆不孝不敬六親者有奸盜詐僞不畏公法者有拗曲作直欺壓良善者有躲避差徭耗損貧戶者似此頑惡奸邪不良之徒神必報於城

陽曲縣志

卷八

禮書

二十三

隍發露其事使遭官府輕則行笞決杖斷不得號爲良民重則徒流絞斬終不得生還鄉里若事未發露必遭陰譴使舉家並染瘟疫六畜田產不利如有孝順父母和睦親族畏懼官府遵守禮法不作非爲良善正直之人神必達之城隍陰加護佑使其家道安和農事順序父母妻子保守鄉里我等闔縣官吏如有上欺朝廷下枉良善貪財作弊蠹政害民者靈必無私一體昭報如此則鬼神有鑒察之明官府非諂諛之祭尙饗

文廟 春秋二仲上丁日祭府學巡撫主之縣學知縣主之

崇聖祠 與文廟同日祭學官主之

東西兩廡 與文廟同日祭齋長主之

名宦鄉賢祠 春秋釋奠禮畢學官致祭

忠義孝弟祠 同上

以上祭品儀注詳見建置圖

武廟在都司街東儀與 文廟同祭品牛一羊一豕一帛一

登一劔一簋各二籩豆各十每月朔望有司行香

按帝為漢前

將軍漢壽亭侯諡壯繆宋元時皆晉封王明封帝 國朝順治九年

加封忠義神武關聖大帝乾隆三十二年於神武下
加封靈佑嘉慶十九年於靈佑下

陽曲縣志

卷八 禮書

二十四

加封仁勇道光八年於仁勇下
加封威顯

祭文 乾隆元年頒行

維 帝浩氣凌霄丹心貫日扶正統而彰信義威震九州

完大節以篤忠貞名高三國神明如在徧祠宇於寰區靈

應丕昭薦馨香於歷代屢徵異蹟顯佑羣生恭值嘉辰遵

行祀典筵陳籩豆几奠牲醪尚饗

關帝三代崇祀後殿雍正五年

加封公爵

曾祖光昭公

祖裕昌公

考成忠公 儀與崇聖祠同祭品羊一豕一帛一籩豆各四

祭文 乾隆九年頒行

維 公世澤貽庥靈源積慶德能昌後篤生神武之英善
則歸親宜享尊榮之報列上公之封爵錫命優隆合三世
以肇裡典章明備恭逢諏吉祇事薦馨尚饗

教場東

關帝廟 康熙十九年知縣戴夢熊重修 營員主祭

文昌廟

在南關順城門外 康熙二十二年知縣戴夢熊重修 二月初二日

致祭司道各官主之嘉慶六年奉文添祀太牢春秋二仲

陽曲縣志

卷八 禮書

二十五

大祭一切禮儀與 武廟同其每月朔望行香則在前所

街 文昌行宮

文昌先代祠同日祭儀品與 崇聖祠同

按文昌之祭經典無明文 國朝陸隴其李光地謂周禮有祀司中司命之文是文昌之祀自古有之自宋以來人重科目文昌之祭遂久而愈崇

奎星樓 在南城上與貢院對每歲春秋上丁祭官主之

按奎星之祭於經亦無徵太原志載今人祀魁星為奎而取象則取於魁為鬼舉足而起其斗名實相乖所當釐正按宋史五星聚奎史官以為奎婁為魯分野乃儒教當興之象後人遂沿其說而祀之

城隍廟 在北門鎮朔坊西街縣廟附府三月十五日大祭

羊一帛一爵三官主之

按崇墉為城環水為隍必有神憑焉唐張九齡文曰方隅是保毗庶

是依則神之職司可見明封天下城隍之神府曰威靈公州曰靈佑侯縣曰顯佑伯春秋上戊合祭於社稷山川壇今仍之凡吏於土者始至必齋而祀焉水旱疾疫則禱每朔望肅謁行香

泰山廟 祀東嶽神一在鐘樓街一在上馬街三月二十八

日祭

八蜡廟 在東郭官亭之東

康熙時知縣邢振岳戴夢熊相繼重修

今在南關

牛站門外

蜡之為祭所以報本反始息老送終也一日先晉二曰司穡三曰先農四曰郵表畷五曰猫虎

六曰坊七曰水庸八曰昆蟲旁有官廳非徒迎送節使而已每歲省耕省斂蜡飲勞民胥於斯地焉有康熙年教諭

李方蓁碑記

陽曲縣志

卷八 禮書

好舫廟 在南關

獄神廟 在縣獄內春秋二仲上戊日祭

馬王廟 在半坡街知縣主祭羊一爵三

康熙年知縣戴夢熊重修

龍王廟 在撫院東街係 內府塑造

土地祠 在縣治東春秋二仲月上戊日祭

婁金神廟 在阜成門外

明萬歷知府孫化龍建前有鐵犬三隻汾漲漂沒巡撫李公景元修

河重建又增鐵犬二隻

二月十五日知府主祭

河神廟 在阜成門外祀臺駘神

明萬歷間知縣周永春建

八月十六日

知府主祭

按河神祠舊建汾水之東坐坎向離嗣以其地卑濕土疏且沙淖河水又善徙祠常塌毀順治九年巡撫劉公宏遇改建更新坐震向兌前有鐵牛二隻以鎮汾流邑紳裴希度撰碑文記之

火神廟 在教場 關帝廟內 康熙十九年知縣戴夢熊重修

五神廟 祀五瘟神在城隍廟街 固始吳公同春建 五月初五日知

縣主祭

附知縣戴公夢熊禳瘟文維大清某年某日守土官陽曲縣知縣某謹以牲醴楮帛之儀致祭於諸天衆神之靈曰嗚呼春祠秋社必潔粢盛奉牲體以告神祇者爲其不疾痲蠹也爲其三時不害而民和年豐也招彌叙降之典代有恒祀豈非以陰陽亭毒每於人事相終始者乎晉陽僻處方隅不過當實沈之一度九關下視亦渺乎其微矣然而生靈蟻聚地瘠民貧祁寒暑雨之怨咨實邀天聽乃庚申無歲辛酉春暘鳧茨不有鴻飛滿野意者令之

陽曲縣志

卷八 禮書

二十七

不職有以致之者歟某無所逃罪天其果以令爲不職也哉惟某是視某敢不恐懼修省以承天庥今天旣已赦其過而賜之以雨矣有滄萋萋之下多稼興歌西成有望是太空造物其果不以令爲懟乎抑不忍斯民之瑣尾而活之耶若然則造物固將長養以撫柔此民也胡農事方興而天癘不戒瘟疫流行無寧使小民甫慶其生而反速其死耶黔首何辜愚民罔告令惟匍匐以請命於神其代爲請命於天以救鳩鵲殘黎也令之不職令知過矣某敢不益加恐懼以承天庥抑某聞之陰陽之氣不節則厲鬼隨而作禍今當亢旱之後或有游魂爲變乘氣以虐吾民耶用是虔修普度出劫超凡神其輯之如剛瘴不服令將以桃弧棘矢執戟揚盾必飛礮雨散而後已耳嗚呼天高聽卑物無私照幽明永奠存歿啣誠伏望洪慈俯垂鑒察嗚呼尚饗

旗纛廟 祀軍牙六纛神舊在學道署東今移建新市巷內

霜降日祭都司主之

霜降前一日三營員弁各領隊伍幟黎明齊集於轅門用彩樓三陳

制以下盃甲勅印隊馬在前用鼓吹導迎由
轅門送入精營藏旗幟於武庫名爲迎霜降

阪泉神祠 在城東北八十里四月十七日七月十七日祭

三立祠 在書院春秋二仲祭學使主之

按三立祠崇祀先
聖先賢名宦鄉賢

蓋爲書院肄業諸生立爲儀型也舊祀風后以下至叔齊
十有八人位南向名宦自叔向以下至呂文簡公十有八
人位西向鄉賢自董狐以下至薛文清公十有六人位東
向寓賢卜子夏田子方段干木別爲位後巡撫吳公姓於
名宦中增祀石公璞等八人鄉賢中增祀高公巍等七人
前後共計祠祀七十有二人以後陸續增祀至今共崇祀
一百二十六人而
先師孔子四配十哲諸弟子暨宋儒周程張朱亦另設主於其
中一律
崇祀焉

狐大夫廟 在南關小木橋門外

牛站門蕭家
營俱有廟

二月十五日

陽曲縣志

卷八 禮書

二十八

知府主祭

狐大夫廟祀恭世子之傅狐突方世子鬼見時
大夫告以神不歆非類仁人保護桑梓之意也

後爲懷公所殺後人思其德而祀之傳青主云縣西南百
二十里有狐山山椒有祠麓有墓地隸交城似山經所謂
狐岐山者也故傳交城爲大夫故里云
廟故湫隘以禱雨有應故更新之云

藏山廟 在開平王廟西祀晉大夫文子趙武二月十五日

祭知府主之

知縣戴公
夢熊重建

二公廟 祀晉大夫董安于尹鐸廟廢無考二月十五日設

主於河神廟同祭知府主之

英濟侯廟 舊名竇大夫祠在縣北四十里烈石口

子臣竇犇元至正三年建明洪武年改稱大夫

神四月初五日知府主祭

北關亦有廟每歲亢旱禱雨輒應遠近奔走瞻奉守臣敷奏頌

賜廟額曰英濟侯廟臨汾流而靠諸泉宋元豐八年六月汾水漲溢遂易今廟有金縣令史純碑記

鄧侯廟 在縣治東

七府營亦有廟舊志云蕭相國祠縣治皆有其律故然邑令祀之為宜若

委之吏役則幾於褻

各祠宇

文中子祠 在府學 崇聖祠東祀隋大儒王通

狄公祠 舊在狄村祀唐梁國公仁傑今廢現移崇善寺內

有布政司朱公珪碑記

按舊志公祠建自前明康熙十一年知府周令樹修二十年知縣戴

夢熊再修因迎送往來節使於祠憩息又呼為官廳既而移官廳於南關祠遂廢其地基五畝兌與南關之隆興寺

陽曲縣志

卷八 禮書

二十九

管收

開平王廟 祀明開平忠武王常遇春在藏山廟

康熙二十二年戴令

同藏山廟重建

三賢祠 在開平王廟東祀明都督高巍侍郎張昺尚書暴

昭

三功祠 在南關文昌廟祀明巡撫萬恭驛道郭斗督學道

陳瑞

三忠祠 在鎮朔坊南祀明忠烈張銓忠節高邦佐忠愍何

廷魁

畢將軍祠 在北門內祀明死節遊擊將軍畢文

胡公祠 在學院署左祀明提學副使胡公松 有碑記

周公祠 在學院署祀明提學僉事周公繼昌

李宗伯祠 在府治西祀明禮部侍郎晉江李公廷機

于公祠 在牛站門外祀明太原府知府于公惟一 有碑記

魏公祠 在帽兒巷祀明山西巡撫南樂魏公允貞 有碑記

趙公祠 在帽兒巷祀明山西巡撫趙公文炳

吳公祠 在南關今稅課司祀明巡撫吳公姓

白公祠 在大南門街祀巡撫白公如梅

陽曲縣志

卷八 禮書

三十

楊公祠 在紅四牌樓祀巡撫楊公熙

白公祠 在南關祀總督白公秉貞

周公祠 在帽兒巷祀明太原府知府周公詩

于公祠 在都司街關帝廟側祀明陽曲縣令于公天經

宋公祠 在南關祀明陽曲縣令宋公權 有碑記

賢良祠 在南蕭牆祀尚書于成龍大學士田從璵大學士

吳瑛提督張起雲

申公祠 在平順街鎮朔坊南祀巡撫申公朝紀 有碑記

蔡公祠 在書院內祀巡撫蔡公懋德 有碑記

忠烈祠 祀 國朝己丑死事諸臣在三橋子街順治七年

巡撫劉公宏遇建 有碑

正廳二十九人 向西

巡撫山西右副都御史祝世昌 贈光祿寺卿分巡冀寧道副使劉澤溥

少卿光祿寺少卿寧武兵備道僉事徐淳 贈太僕寺卿 贈光祿寺

楊致祥 贈太僕寺卿汾州府知府黃廷柏 贈山西按察司副

使太原府同知張國賢 贈山西布政司右叅議蒲州知州錢法

裕 贈山西按察司僉事路安府推官司九韶 贈山西

按察司僉事臨縣知縣張耀祖 贈山西按察司僉事興

質 贈山西按察司僉事夏縣知縣劉之屏 贈山西按

陽曲縣志

卷八 禮書

三十一

察司僉事垣曲縣知縣李榮宗 贈國子監助教太谷縣

都司經歷布政司都事周邦翰 贈山西按察司知事按

察司照磨楊其籍 贈都督僉事助馬路參將李向堯

舉 贈將井坪路參將佟國仕 贈副將得勝路參將管一

司官遊擊事魯學孔 營遊擊劉懋德 贈遊擊鎮標營都

州王 督標旗鼓守備董廷儒 原任河南守道降補霍州知

來 州王 督標旗鼓守備董廷儒 原任河南守道降補霍州知

南廡五人 贈山西布政司照磨河東運司知事王存鏊 贈太原左

北廡五人 衛經歷陽曲縣主簿何顯祖 贈江南山陽縣主簿交城

縣典史鄭運昌 贈河南濟源縣主簿太谷縣典史王自

亮 贈山東夏津縣主簿永和縣典史鍾夢豹

欽恤署都司舊營中軍王廷衡 欽恤撫標右營中軍守
備李進忠 欽恤舊營千總王命新 欽恤分巡冀寧道
千總宋國忠 欽恤
寧武營把總邱登戎

昭忠祠 在城隍廟內嘉慶年間建祀邑中陣亡官兵

湖北襄陽鎮總兵加提督銜馬瑀 蒲州營萬泉縣千總
宋良佐 四川漢州知州王嘉猷 贈從九職銜王恒
蒲州協把總張得凰 隰州營都司崔得寧 大同威魯
堡千總李攀龍 太原營兵王浩 撫標馬兵郝全

陽曲縣志卷八終

陽曲縣志

卷八
禮書

三十二